

# Me whakawhirinaki au ki a wai

## Ngā puna mōhiohio hei whakawhirinaki māu

E whai ture ana te nuinga o ngā putanga pāpāho kia tukuna atu ai he kōrero tōtika. Kāore ētahi atu puna mōhiohio maha i te herea e aua ture, ina koa ngā mea tuihono.

Ko te ihirangi e kitea nei e koe i te pouaka whakaata, e rangona nei rānei e koe i te reo irirangi me mātua ū ki ngā paerewa pāpāho, kei roto ko te āta whakarite he tika, he tōkeke, he taurite hoki taua ihirangi. Ka hāngai anō ngā paerewa ki te ihirangi tuihono, i puta tuatahi ai i te pouaka whakaata, i te reo irirangi rānei.

Mēnā kāore i te pai ki te tangata tā rātou e kite nei, e rongono nei rānei, ka āhei rātou te amuamu ki Te Mana Whanonga Kaipāho (BSA), ko tā rātou he āta whakarite kia whāia ngā ture.

He maha ngā puna rongokōrero nui o Aotearoa kua whakaaetia hoki ki ētahi paerewa āhua ōrite e pā ana ki ngā ihirangi tuihono pēnei i ngā paetukutuku rongokōrero, i ngā ataata mā te tonu, i ngā niupepa me ngā maheni hoki. Ko tā Te Kaunihera Ao Pāpāho o Aotearoa (NZMC), he āta whakarite kia whāia ēnei ture mā tana hātepe amuamu.

Nō mua, he maha ngā amuamu i tukuna ki te BSA e pā ana ki ngā āhuatanga pēnei i te reo weriweri, i te ai, i te tūkinu hoki. I ēnei rangi, ko ngā take he nui rawa atu e amuamutia ana, ko te taurite me te tōkeke – i te nuinga o te wā, i ahu mai i te rongokōrero me ngā take o te wā.

## Ngā Pātai

- He aha i pēnei ai? He aha pea te pūtake o tēnei panoni?
- He aha atu anō ngā puna mōhiohio e kitea tuihonotia e koe, kāore nei e herea e ēnei ture?
- Me pēhea e āwhina ai ngā ture kia mōhio ai koe he aha ngā puna ka taea te whakawhirinaki ina kimi koe i ngā mōhiohio tōtika?

**He meka kia mau:** Ko te tika i te whakaarahia i te 58% o ngā amuamu 120 i whakawātia ai e te BSA i te tau 2023/24. Kua tautokona e whā o ēnei.

Ka kawea mai e te KOWHEORI-19 he pikitanga o ngā kōrero horihori me ngā kōrero parau mō ngā take hauora, i te wā tonu kua tino kaha rawa atu te hiahia ki ngā mōhiohio tōtika. He tātata ki tētahi tihi te maha o ngā amuamu i tukuna ki te BSA mō ngā kōrero a te hunga pāpāho, ā, e hē ana te whakamahi mōhiohio a ētahi hei tautoko i ā rātou amuamu. I te nuinga o ngā kēhi, i kitea e rātou kua tika te kapi o te mōrearea i te hunga pāpāho.

## Ngā Pātai

- Me wātea rānei te tangata ki te pōhi tuihono i tāna e pai ai, me hanga tikanga whakatiki rānei?
- Me tuhi te raina ki hea, mā wai hoki e tuhi?
- Ina whakairia, ka kitea te ihirangi tukutuku puta noa i te ao. Me hanga rānei he ture ā-ao mō te ihirangi tuihono?

Learn more



- Te aratohu tere BSA ki ngā paerewa pāpāho
- He rārangi o ngā putanga pouaka whakaata, reo irirangi hoki me mātua ū ki ngā paerewa
- Te aratohu tere kia haumaruru te mātakitaki me te whakarongo
- Te tauāki mātāpono NZMC
- He rārangi o ngā ratonga pāpāho i waitohu ki ngā mātāpono
- Ngā marohi kāwanatanga hei whakahou i ngā ratonga pāpāho me ngā ture e whāia ana e rātou